



淶江先生文集序



淶江徐先生余楚潭先達也未識

韓荆私懷孟淑舊矣今年夏亂子

緒述持先生詩文若干編索余序

余覽而誦之前後碑序一門諸君

悉矣余何言哉然仰止高風載原

出處知先生弱冠登庸已包羅萬

有于寸赤逮其羽儀南宮秉衡銓  
部振鐸文江貳守淞郡負材忼直  
抱噐瑰瑋固梓里之賢豪文筭之  
宗匠也觀其擣華擷藻列采攄英  
傾群書之瀝液漱六藝之芳潤步  
驟李何追踪漢魏無非敷闡性靈  
之秘矩矱翰苑之章典則而不浮

端莊而有體譬諸春葩聚錦卞玉  
聯玕一展帙而目自新焉固宜飛  
響藝林揚苞丹闕躋登膺仕陟履  
端揆上補衮于

明庭下膏潤乎萌庶而迺屢嬰佗  
倅動輒輒軻豈道大難容遭時未  
偶才優經濟造物攸忌與噫達士

海內文集序  
二  
不屈節以網名君子不徇時而徼  
利矧操履剛方窺覘末路無能脂  
膏難免頽風先生高識已預卜之  
矣故寧掃軌藏珍養高不售投情  
吟咏登眺徜徉雖微辟屢下抑又  
何心冥鴻翔于霄漢矰繳烏能及  
哉易著尚志詩咏考槃先生以之

緒曰先君之集名曰棄餘示我孫  
子蓋欲晦而弗章今違所貽也如  
何余曰善識璞者不韞匱善承統  
者能肯堂譬之榱桷杞梓藏于幽  
谷奚取乎棟梁瓊瑤玖琚秘爾彫  
斲何彌乎美玉是故時乎相業則  
揮猷于䟽奏議制之陳時乎名流

則灑翰于詩頌詞章之麗故鎔情  
鑄景鏤璧裁綃者何限也湮而弗  
傳似墜先澤咎將誰諉哉子之刻  
斯集也可謂善繼志者矣矧立功  
立言古今殊品作怨蘭而抒悱賦  
鵬鳥以傷懷沉抑自尤憤膺攘詢  
至俾折衷于五帝聽直于臯陶鳴

呼悵哉先生詩文無慮千萬言要  
皆平正䟽朗博綜理道可興可觀  
三百篇之遺響與余不愧淺鮮著  
于篇以塞責云

隆慶庚午歲孟秋吉日

賜進士第中奉大夫江西布政使  
司右布政使郡人春江董策撰

涑江文集序

集序

卷一

刻涑江集小叙

隆慶己巳夏刻伯氏涑江公集告成  
翀撫卷而嘆曰嗟乎予尚忝叙我公  
集耶公幼而穎敏方弱冠擢進士第  
始筮仕儀曹才名燁燁用是獲轉銓  
部敷歷四司乃以弗阿忤元宰出督  
西江學丕振文風士心悅服既而闢

毀淫祠爲闔宦誣奏被逮仗鉅卿論  
救謫貳松郡居無何以親老懇乞歸  
養菽水是承懽如也尋有南繕部之  
命公高卧弗出矣家居累膺薦剡絕  
無進取念乃于郭外闢園揭名成隱  
厥志可知已或惜公以碩名重望稍  
自貶以逐時好于陟華躋要何有哉

顧乃方壯而棄軒冕使厥施弗竟嗚  
呼達人觀固如是耶公嘗謂屈信  
者時也利鈍者命也與其澶忍依阿  
以希榮寵孰若放情丘壑優游自適  
乎故公日與嫺友彈棊賭墅吟弄弗  
輟且大肆力于典籍應接稍暇輒展  
卷沉思有得卽乘興發之雖臨暮齒

袁宏之集卷八  
一  
亶亶忘倦焉維公異才殊質寔鍾聞  
氣而且抱深潛之蘊秉高朗之識故  
其爲文力追遐古其詞雅其旨奧而  
詩近體歌行聲律鏗鏘宗杜老古體  
渾渾有陶謝風凡近代英華罔不綜  
括實惟步驟何李覽其所錄稿以棄  
餘名寓意淵矣蓋公辭榮而耽寂浮

雲富貴故其精詣若是設使當年躋  
通顯歷華要崇爵豐祿固炫燿一時  
矣而操觚摛翰神情或弗暇及安得  
撰造如斯完備哉故韓柳罹擯斥而  
號文宗李杜阨下位而稱詩聖自古  
名哲立言以垂有求類自偃蹇幽抑  
中得之然則公之高尚意其在茲與



矧公勲業風節尤炳乎莫可掩者雖  
未竟厥施又何憾焉甲子秋公終于  
正寢厥子緒述一日集予輩而言曰  
棄餘錄吾先大夫手澤存焉不肖珍  
藏久矣而恐使泯沒弗傳其可哉茲  
者將付之梓人煩爲校正之于是狎  
僭第昂姪成輩咸殫心力訂訛補遺

再越月校完第錄名未妥改題曰錄  
江集集釐爲十二卷詩八卷文四卷  
復相與語曰允哉斯集卓然名家可  
以傳矣茲二子克成先志寔吾宗文  
獻之光也雖然左思作賦借譽張公  
而王克論衡見推蔡氏斯集也幸托  
名作序諸篇首寧非不朽之鉅觀哉

猗素荷公愛曩予遊宦時頻辱篇章  
緘寄茲覩在集愴然感懷聊叙刻集  
之由附之末簡用以識不忘云爾  
隆慶三年夏六月既望教下第一猗  
頓首謹叙

淶江集目錄

卷之一

四言古詩

江水之什

有序

菊壽之什

有序

樂歌曲

有序

卷之二

五言古詩

送倪小野守南雄

送祝篁溪少叅赴浙分賦得鑑湖  
吾門新有里正之後族人僉予旬  
日而傍人謂當休予聞之含慚

漫有此作

寄沛縣舍第五首

寄題環中詩 有序

樊氏二圖詩 有序

秋夜有懷夔邑廿八第用久遊夔

子國為韻五首

鄉人携雙鳩饋予予憫而縱之有

作

元日夕坐叙懷

卷之三

七言古詩

結交行寄熊子 有序

送孟兵憲北上

壽潘封君味菜翁七十

丹泉歌贈楊兵憲

乾封草堂為楊封君賦

偶閱麓堂稿次韻追贈有序

感述用韻一首有序

東堂晝寂偶閱次厓翁詩適陳北

山遣送孤松圖至因用韻輒題

卷之二 其上

贈別客石蕭先生之綏德

雪夜飲邑署歸幾曙不寐偶閱翠

屏集遊仙子詩因次其韻用解

醒云

用前韻寄沛縣第有別

泛江再用前韻

飲學五姪宅歸偶閱蘇集送酒詩

因次其韻

元夕值雨賓館聞然舊張諸燈亦

復罷舉孤獨兀坐興况可知沛

縣第和予詩予復次荅抒老懷

焉

卷之四

五言律詩

送劉希哲赴郢縣司訓

憂

立春日雪

雪夜作忠甫兄枉過便邀詹熊二

兄同到

南歸阻風次韻

江行

孤鴈

王昭君

獄中聞謫官報

旅夜

歸隱二首

日夕

晚坐

聞林次厓大理謫欽州悵然有懷

寄贈三首

鵲噪

成隱園五首

晚歸

曉發往訪羅氏

抵羅氏有贈

留別羅子

歸過青山口

郊居二首

往山庄

秋日有懷

元日

聞廿八第中式喜而有作

龍江携飲小舟有詩次韻答謝

登舟邀龍江用前韻

席間值雨疊前韻

舟疊韻奉贈

龍江携酒小舟有作次韻十首

舟中見兩岸桃花喜賦三首

中秋小集二首亦喜超三首

九日雙雁小世食外太贈十首

哭鍾兕五首

過西園三首南題

東堂成移植西園諸花卉堂下二

首詩題小長序結六贈答備

花下獨吟二首真而青亦

不寐二首

中秋無月待久忽朗獨對二首

寄韓夏圃中丞五首有引

泛江二首

東園宴坐五首

賞月家宴予以故不赴中夜偶作

用東諸仲

三十第誕日迷懷有作依韻贈慰

西園漫興

卷之五

七言律詩

送陳體坤歸攸因訊羅子

送羅理問赴汴藩

秋日出北直門有感于忠愍公往

事述憤一首

秋懷八首

雪次坡韻二首

九日

早朝

方棠陵惠茶有詩次韻答謝

海濱

寄題羅中丞公願樂亭次鳳翁年

伯韻

張龍湖宮諭賚東宮詔賚于諸藩

還贈送二首

出郭一首

夜夢至一公署觀吾師甬川先生

壁間詩紀述一首

約齋副憲書來聞辱撫臺謬薦感



述二首

胡瓶山憲長枉過辱贈詩次韻奉

謝

琴堂雙喜詩次原倡韻 有跋

雪丹次坡韻六首

營居二首 乙未歲

五日

九日郊行因觀魚山庄

夢紀述 有序

移居用杜韻一首 丙申歲

海樓詩為李大守題

歸來

秋夜

卷之六

七言律詩

舍第卒業歸龍湖大宰有贈章因

并及予次韻寄謝

紀夢 有序

元夕用前韻

春雪次唐達溪韻

春夜用前韻一首東達溪韻

雨夜疊前韻二首

雨懷再疊韻答達溪

草堂三疊韻

春寒四疊韻二首

晝夢用杜韻二首

次韻答龍江見贈

疊前韻述懷

疊前韻答舍弟

再疊韻贈龍江

送張公子省覲歸蜀

營東宅成用舊韻二首 戊申歲

移居仍用杜韻一首 庚戌歲十月

送曆龍江尋枉詩謝次韻奉答

至日疊前韻

夜坐偶觀空同先生詩再疊前韻

睡起有述疊前韻  
小構有述四疊韻

元日

春夜夢在京作詩止得首二句覺

適足之

獨坐用前韻二首

作東會堂仍用營居韻二首

壬子歲

予家未有菊新闢小園北郭有為

予培致數本者且云內二色俗

呼大紅袍醉楊妃漫賦一首章

家僮走報西園牡丹花開苦雨弗

克赴賞

元日喜晴試筆

聞東潭涂侍御年兄於滕王閣旁

構一樓曰覽勝因感舊遊聊題

短句奉寄三首

春日抵山庄作

送楊蓮幕督餉之南都

有跋

秋日獲枉南吏部金君書致迺翁  
春一所先生手札并諸篇什見貽  
因感昔遊更欽高誼漫賦三首  
寄呈一所兼簡金君齋後吟賦  
西野李子書來聞辱海村劉公劔  
元門趙公諸臺諫會薦感賦二首  
吉藩王柏山內相陳秋湖左吏沈  
華溪判府暨鄧揮使以使事下  
縣辱枉訪有會秋湖復申贈章

次韻答謝

華溪判府用是所前韻見贈仍次  
奉荅

既別諸子因憶舊遊耳疊前韻寄

東秋湖華溪二子

羅朝綱自湘中來訪有作

送別朝綱一首

舍弟詩來次韻寄慰

元夕有懷舍弟二首

營彭氏園居仍用舊韻二首已未歲

六十自壽

彭氏園復作會心堂仍用舊韻二

首辛酉歲

堂陰復構亭浚池疎花叢篁頗稱

幽勝再疊二首

與人小飲奕棋作

秋日寄懷沛上蜀中二邑第

江閣

春日感興二首

鄉人饋菊有醉楊妃大紅袍火鍊

金盞銀盤諸名品甚麗漫賦

二首

廿八第去秋書來期以歲暮抵家

遲久不至悵然興懷二首

三十第卒業南雍兼得應試作此

寄贈

卷之七

五言排律

寄壽邃翁先生二十八韻

送汪希周武選赴行在所有序

乙酉四月廿五日借諸友觀南內

歸感述二十四韻

予被謫歸夜泊吳江昏黑殊甚岸

頭塔燈忽起暉映江渚亦平生

一竒觀也用之感創遂賦此篇

送諸弟應試十韻

送廿八弟學五姪會試用前韻

小舟奕會再用前韻一首

送西峯黃先生之任上海十四韻

雪後月朗輝映可人卒爾發詠遂

用黃泰泉宮詹賞菊十八韻

予用黃泰泉賞夏菊韻味雪月詩

舍弟既和予詩復有賞菊之作

予亦再次一首

舍弟在沛中久無音息姪子問使

戒行憶其笈然旅寓淹抑之情  
予老別傷懷寄慰此作

苦雨書懷二十四韻

除夜獨坐誅懷十八韻

中秋小集十四韻

中秋無月兀坐書懷仍用舊賞月

韻一首

種竹

七言排律

卷之八

慈壽橋成賦述一首 有序

七言絕句

送唐二尹之海康四首

江漲四首

聖駕幸郢十首

廿八第會試邀餞舟中因侑以詩

三首

李衛公祠四絕句 有序

萍色黃華橋圯有僧乞緣修復哀  
號每至夜分持牒告謁援筆書  
此

五日以蓮酒為龍江尊堂壽侑以

小詩四首

九日舟中宴會十絕句

贈別胡瓶山次諸公韻五首

贈周三尹致政歸信州 有引

對菊復賦四絕句

東堂後作西湖圖成漫題五首  
客來觀圖有求形似者戲作二絕  
句

漁翁三首

慈化二僧擊鉢夜號祈施華嚴經  
持牒丐予題名為倡嗟茲予昔  
所裁也今顧為利耶笑而書此

睡起漫興二首

偶有感述為空同翁解嘲并序



偶從南都故知覓馬孟河草書

三十第以召姪納采果物見貽而

諸當路惠鄉書適至遂以書書

對使偶書短句為報用勉姪子

夜觀鄉書有感用前韻二首

春日小集以擊鼓催花為令漫賦

七首

五言絕句

邑大夫遣使送迎春花仗到偶成

四首

秋思二首

江村三首

一婦人携一女來訴其夫原任指

揮以忤上被調廣西遇賊囊罄

不能歸予惻然少衣食之更援

筆書此為前導云

雨夜二首

看花二首

六言

夏日偶書

江閣

江上偶成三首

江上懷古二首

卷之九

序

送鴈峯何公擢浙江副使序

長沙郡志序

贈封君潘翁歸婺源序

贈湘鄉童侯被旌序

賀東墅方侯被旌序

贈邑博黎君被旌序

瀟湘哀挽詩序

壽錢母楊孺人六十序

送令尉宋君西歸序

贈鄧文溪之徽州序

梅花和韻詩序

贈陳通府之任雲南序

贈郡駕林侯入 觀序

壽鮑夫人詩序

世德錄序

贈汪二尹擢令澄邁序

贈方三尹被旌序

贈季彭山人 觀序

贈工部郎中王南垞之任序

贈學諭李君之任序

卷之十

序

贈王沙吳子之道州序

贈譚二尹臺獎序

贈鳧溪夏公之四川副憲序

贈郡侯方洲趙公臺獎序

贈李先生西歸序

海屋添籌圖序

贈郡駕春谷葛侯榮獎序

贈定峯明府舒侯榮擢序

贈洪山袁子擢閩邑學諭叙

贈栢山明府吳侯督府榮獎序

贈曲江楊侯榮獎叙

贈蓮渚王子歸休叙

贈楊曲江擢貳袁郡叙

贈荆山周子擢貳贛州序

贈夔府陳獅岡入覲序

贈少棠周子擢英山序

原壽壽四園袁翁九十序

卷之十一

頌

清寧頌 有序

旌賢頌 有序

德政頌 有序

明德頌 有序

贊

胡明府四像贊

說

釋圖說

問

野問為古泉張侯兩臺旌獎贈

帳詞

賀胡都閩新第帳詞 有引

賀憲臺平寇帳詞 有引

贈郡侯潘公受旌帳詞 有引

送明府方侯入 覲帳詞 并引

送徐蓮幕入 覲帳詞 并引

送鍾司訓棄官歸養帳詞 并引

碑

醴陵縣名宦鄉賢祠碑

墓誌

明故文林郎前南城兵馬司副指

揮劉公墓誌銘

祭文

祭文氏元姊文代叔父作

祭張州判文

祭文諭之文

祭潘封君味菜翁文

祭南大尹毋文

祭羅朝綱文

祭陳體坤文

祭金一所文

卷之十二

書

奉霍渭厓先生

與葉侍御

與鄭鹿門

奉西樵方閣老

奉方棠陵

奉石熊峯先生

奉潘侍御

再奉霍渭厓

奉甬川先生

奉劉範東

奉劉大巡

再奉劉大巡

與郭方崖

與羅副憲

與儲谷泉侍御

與陳考功

與彭芝田年兄

與張南溟年兄

泉

奉青石翟中丞公

復劉初泉憲學

奉約菴歐陽大宰

奉荷麟池僉憲

疏

乞恩辨明誣枉疏

方尚書等救疏

明南繕部郎中前中憲大夫江西提

學副使徐公祖道碑

明賜進士南冬官郎中前江西按察司副使提督學校楚醴徐鳴伯和著

不肖男 敬梓

卿述

涑江集目錄終

涑江集卷之一

四言古詩

江水之什 有序

江水祖行也東墅方侯宰邑之五

年再維入觀之期歲丁酉孟冬之

吉將戒行邑人士徬徨犇走舉相



告曰侯其去矣乎吾誰與依維侯  
 其端歸或曰否侯已嘗入覲矣茲  
 行也資積望逾起行當膺明陟以  
 賦天子之寵命以宣惠於四方  
 不得為茲邑淹也迺于是匍匐咸  
 再拜徃送之郊君子曰夫戀德懷  
 惠惟欲挹膏澤以自潤者細民之  
 私也推賢顯能惟務侈休光以廣  
 被者哲人之公也私愛為仁公惠為

義仁義之道厚矣至矣迺為作江水  
 江之水其流湯湯有翮者旒于彼高岡之  
 子于邁驅馳靡遑我心之邁與子攸行  
 江之水湯湯其流有翮者旒于彼道周之  
 子于邁以覲我后我心之邁靡屆靡究  
 於皇明德如日斯中迺闢迺祓百辟攸同  
 翼翼濯濯惟歲事是共臣拜稽首以奏厥  
 功  
 皇咨于德亦惟時序厥有明命庸以陟女

有霽斯雲有滄斯雨云胡之瘁莫我以與  
誰衍衍周行誰嫫嫫獨傷誰粲粲繡裳誰  
翩翩翔翔嗟東方之人兮無寧我滯淫  
皇皇江水五章四章章八句一章章六  
句

菊壽之什

有序

菊壽壽彭山先生季公也公來守  
潭樹本而勤政威生惠流行之維  
暮吏恬而民嬉奸梗用戢聲稱赫

如也維茲秋季寔維誕期潭之屬  
邑吏咸擬賦詩稱觴爲公壽方今  
明育曰公之爲臺史也嘗侃侃  
折不回大哉節乎其古之遺直與  
於是賦羔裘之章廖丞仁曰仁也  
始見公履素而思約有帶布之風  
焉茲吾人之程乎於是賦羔羊之  
章方簿瑠曰公之惠潭深矣斯民  
其懷徠哉于是賦九斝之章李博

稠曰公之爲政也重禮教右賢以  
淑化潭人彬彬乎益興起矣于是  
賦青青者義之章賦已于是徐史  
試肅儀猷享咸再拜稱觴爲公壽  
徐子聞之曰嘻善頌善禱古之道  
也夫直德之貞也約德之固也惠  
德之愛也化德之彰也其德不爽  
壽考不忘茲非壽之徵哉迺爲作

菊壽

有菊有菊在彼河陽薄言采之鬱其芬芳  
穆穆賓庭以薦我酒樂只君子介此眉壽  
有菊有菊在彼脩阪薄言采之其芳云遠  
賓庭穆穆有酒且旨樂只君子介此繁祉  
維天錫民惠我下土我室我家爰得我所  
融融洩洩載歌且舞伊誰之慶我民父母  
惟天眷德車服孔煌福履瀼瀼俾熾而昌  
孰其獻之玉斝瓊漿秩秩郎吏載趨載蹌  
菊壽四章章八句

樂歌曲 有序

其類予備真選部時嘗謂守今親民之  
職自古爲重故或值銓除得與聞  
黜陟恒惴惴罔或弗慎今  
皇上嗣位之初聿崇化理迺屢詔銓司務  
嚴厥選士之獲效用者亦莫不奮  
激爭相砥礪圖自樹立故今吏治  
益蒸蒸日臻于盛與漢比隆焉嗚旣  
詔養家居維茲東墅方候適來案

吾醴竊見侯下車以來廉明仁厚  
覃德惠于民芳聲美績焯焯在人  
耳目而一時臺省暨諸部使嘗有  
事于茲土者又皆至公且明無有  
遺蔽綜覈之下考功程能凡欲舉  
旌典者必歸焉茲夏之季旬未浹  
旌者凡三至縉禮駢集若約不爽  
榮名殊寵比郡所無鳴快覩之餘  
思欲抒蕪詞少有紀述以彰厥美

而厥僚諸君復來相屬不勝踴躍  
 迺為撰樂歌曲五篇雖詞旨荒謔  
 不敢擬古作者然指陳時事以歌  
 詠盛化亦庸以代擊壤云  
 醴邑褊小且當孔道今也為艱方  
 侯為治踰四年政績懋著撫臺旌  
 之為皇之仁第一  
 皇之仁九土服咨惟良氓女牧臣受命罔  
 攸辱賢且明慶載育訟獄平狙獷伏盈田

疇滋霖霖赫臺憲今惟肅旌才賢如轉轂  
 揚鴻休惟爾毅告在位此焉勗

右 皇之仁二十句句三字

醴邑磽瘠寡儲蓄官不為計歲歎  
 輒嗷嗷方侯奉部檄積穀如今以  
 備賑撫臺上其績于司徒司徒卿  
 疏旌之為浩瀟湘第二

浩瀟湘野茫茫驕旱魃跳商羊災沴存至  
 民徬徨 皇德冒覃四方詔今儲蓄盈倉

箱嗟彼突喙恣貪狼公帑匱竭歸私藏綏  
者誰勞劬勩庾廩屹立無凶荒湯堯大聖  
水旱固其常功補造化調陰陽司徒奏最  
騰封章 帝嘉迺績錫予王休揚睥睨雲  
路翩翩翔人鼓舞歌明良

右浩瀟湘二十七句句十句句三  
字八句句七字二句句九字

醴邑額輸粟若干石于洞庭湖傍  
允漕舟轉運焉然不時至今有罰

方侯督之獨如期部使者旌之為

國稅至第三

國稅至高山丘漕舟百萬橫江流湖平水  
靜聽唱籌鳥雀喜劇魚龍愁轉輸飛輓無  
延留北指淮泗通燕幽漢家餉道推鄴侯  
唐有劉晏為邦謀郎曹奉勅來鳴騶考  
績課最誰為儔部檄下宜 皇猷

右國稅至十三句句四句句三字  
九句句七字

諸檄之來也咸曰其盛張樂蕃錫  
致禮異焉僚吏祇若將事惟謹為

江城春第四

燁燁江城旗幟輝映笳鼓闐闐如春之競  
曰此河陽邑有善政國有旌賢迺制之今  
維臺若省百辟是正慶讓黜陟往授之柄  
皇仁斯宣敢有弗敬以獻以享邦人是慶  
邦人是慶維 皇之聖

右江城春十八句句四字

禮旣成邑人士謹譟雷若頌聲載  
興為莽荆楚第五

荆楚莽寥濶赤子多顛連矧茲凋瘵地水  
旱遭纏綿嗟枯熄其燔賴有令尹賢仁心  
與美政膏澤如流泉所慮公議微忠誠常  
難宣賢否或倒置痛苦誰為憐幸時逢休  
明王道無頗偏夔龍接臺省日月當空懸  
旌書忽數至迺在旬日間好德本至性始  
識心同然王明受其福聖訓有遺編歡聲

動閭里頌覺沉疴蠲感茲緇衣化和我擊壤篇陳詩採民謠容以被管絃

無右莽荆楚二十八句句五字

續宜覽外如

早

早

早

涑江集卷之一

涑江集卷之二

五言古詩

送倪小野守南雄

文章廣州守早托詞翰林頗遭世網迫朱顏去駸駸五嶺足炎熱飛軒越曾岑千金善自保今見海波平

送祝篁溪少叅赴浙分賦得鑑湖

祝公美詞翰敏捷故莫匹曠然江海懷浩蕩恣遠適昨宵紫泥詔分我鷁鷺行聲華



眷 帝澤天路揚清光暫發春明城遙憐  
 鏡湖水秀色海中山杳眇丹青裏勝地古  
 所道譴浪稱名賢時來發佳趣落筆生雲  
 煙君才多餘閑矧茲妖氛滅平生剡溪興  
 喜見山陰雪送君從此去而我歸雲崖勿  
 惜寶珠惠一寄滄江來

吾門新有里正之族人僉予旬日  
 而傍人謂當休予聞之含慚漫有  
 此作

弱冠忝從仕竊祿代躬耕謬以樗櫟質獲  
 與賢豪并儀司及宰府出入彰華纓纖鱗  
 冰碧海短翮凌青冥優賢著今甲復役資

朝臣國家優免例視官品為數惟京官特  
 免全戶吾宗以先人暨不肖先後居  
 郎曹獲全免者亦數十載矣敢為温飽計

詎侈宗姻榮報稱既已殊讒巧仍相傾清  
 時挂吏議薄譴明邦刑一秉西江鐸再抗  
 東吳旌終慚達士節仰負 皇恩仁困頓  
 方來旋淹留竟何成眷言返初服偃臥猶

平生向來塵土夢一洗滄江清放歌拂玉  
塵散帙開金羸炎涼任俗輩剡薦煩公卿  
茲辰有徃後家衆良亦因臨門忽呼召謂  
予當偕行徃役庶人義期會公家程族人  
幸見寬爲日僅踰旬優閑費輿議敦睦虛  
宗盟呼僮徃從之勿受官司嗔馴擾慎拘  
攝毘勉恭逢迎驅馳遽云勞庶無異患嬰  
因聲謝閭里俛仰甘齊民

寄沛縣舍第五首

戀群悲別驥求友感鳴鶯矧迺骨肉間重  
茲睽離情山川一以緬歲月忽我盈悠悠  
爲誰思鬱鬱當何陳願因北風厲相將鴈  
南征

征鴈起江滋飛鳴向天衢衢遙流焱激舉  
翼弗獲舒祥鸞接枳棘脩鯨困沮如珠藏  
祗自媚玉蘊將何須垂錯恒若斯熒熒但  
歛歛

歛歛亦何爲憂思軫衿帶西北多浮雲亭

亭靄車盖咄咄名利場營營走駟僮世態  
難具論神理豈終昧達哉壯士懷芳聲滿

豐沛

豐沛古疆場漢帝餘高臺圖雄勢自侈樂  
極心翻哀功成在按劍世治猶思材聲歌  
煥史冊遺蹟空塵埃送子千里日寄予千  
古懷

古懷信悠哉浩歌淚盈把興亡等夢幻聖  
蹠同原野人生豈有極至樂非外假浮榮

謝羈縲幽歡付杯斝憶爾遲歸舟良辰共  
陶馮

寄題環中詩有叙

長沙少石陳子錄寄水庵張兵憲

公環中雨坐諸篇什示予索予題

詠噫王公下士茲風絕響久矣忽

復有此殊駭聽聞展翫之餘爰次

錄中登岳麓韻頌述一章用厠環

中聊共歆賞勗我同志不必寄公

耽幽構虛齋貪竒面靈麓秀色騰層巒芳  
馨藹空谷遵晦勵昕夕撫化觀倚伏欲窺  
天人際肯作章句讀鉤深會有得履坦終  
無縮神機一以融景象紛成郁蕤歲前川  
花窈窕淇園竹明月當窓懸飛雲就簷宿  
臺端一顧重車下時雨逐錦席欣淹留瑤  
篇炫遐矚但冀至道傳暇問流光速羨爾  
程門楊老我商山角

樊氏二圖詩有序

吾潭別駕大梁樊君生甫二歲其  
父母俱亡而孤鞠于祖母趙以至  
有成在吾潭益持節操潭人歸焉  
君嘗念祖母之劬勞慟二親之早  
逝迺自爲傳以彰潛德復裝演爲  
二圖題曰陳情遺意曰蓼莪餘哀  
索諸薦紳紀詠冀求厥傳予迺爲  
作詩圖各詩四章

種樹冀成蔭力田望逢年生兒復短折珠

玉空澄淵春風被枯枿發我孫枝妍高堂  
集悲喜眇爾何當憐提携待成立悠悠視  
蒼天

思苦井茹荼忘憂期樹萱抱孫如抱子聊  
以娛晨昏之子璠璣秀詎祇共蘋蘩深恩  
懷罔極欲報思騰騫僊良在茲庶無孤  
願言

漢室重掄材梁園矜獻賦歡聲動閭里孤  
孫已雲路重維鞠育勞幸蒙天日顧顯揚  
藉勲伐十載事馳驚猶憐養不逮恒焉增  
求慕

弱齡究墳典往哲欣有聞報劉表情素孰  
不欽斯文文章固有託榮名豈所云矢詞  
頌餘烈並響揚清芬遙遙舞陽冑揭揭于  
公門

搖搖庭前樹啞啞枝上烏樹鳴涼飈激烏  
啼霜月孤哀哀孝子心對此偕號呼兒存  
親則亡歲月久我徂痛絕復何言千古虞

丘吾

人生孰無父無父生何知人生孰無母無  
母身何依吾生父與母何曾覩容儀精誠  
夢或通還從扣重關彷彿不可得血淚空  
沾衣

孟機翼軻賢孔庭肅鯉對有親不識面矧  
迺云式誨俯仰悲乾坤展轉勞且昧風神  
恍若存芳馨宛可佩立身始為孝周旋敢  
失墜

游鱗眷妙曲驚鴻感哀桐觀詩動遐思掩  
卷傷幽衷如何青衿子祇作章句通瀧岡  
亦何人涕淚將無從覽君蓼莪篇黯慘來  
悲風

秋夜有懷夔邑廿八第用久遊夔子

國為韻五首

灼灼園中花鬱鬱門前柳暄寒異榮瘁始  
覺別離久依依月轉庭浙浙風生牖瑤琴  
貯清徽欲御嗟寡偶縹緲巫山雲遙天重

搔首巖谷嶙峋寒臥懸崖山雲入道  
 搔首數晨夕念子遠行遊井邑造雲日古  
 木森相樛訟庭鳥雀喧田舍禾黍稠無易  
 朴陋區可使惠澤流古來重民社黽勉追  
 前脩  
 前脩逝已邈千載瞻光輝等之有龔黃上  
 則稱臯夔蔣公瑚璉噐百里詎非宜絃歌  
 武城化來為後代規榮聞佇休暢慰我心  
 所期

心期復何云纏綿意未已人生豈金石子  
 已匪壯齒驅馳力迺任嗣續事猶跋加餐  
 空撓挑畜和寃名理保爾千金軀受言翼  
 吾子

吾子夙所愛根抵本同植羽翼臨當垂遂  
 迺異鄉國子方期翱翔予已其棲息蕭條  
 蔣生徑誰與剖臆佳期未即并出處各  
 努力

鄉人携雙鳩饋予予憫而縱之有作

野人携筠籠遺我雙鳩鳥云可克盤殮所  
惜物微眇翩翩毛澤鮮炯炯晴熒皦韓詠  
豈光榮周歌寧窈窕鵲居已自拙鷹化且  
不早失身就羈繼奮翮數驚擾色慚山雉  
翔跡異冥鴻杳寧堪鼎俎陳亦被虞羅擾  
因嗟貪饕輩營營祗一飽萬錢恥下箸頽  
風遂瀾倒誰爲肉食謀更念民色槁誅求  
浚膏血疾苦甘荼蓼重茲吾與情益覺憂  
心悄在宥本化理矜溺匪外矯見牛誠何

心易大欲以小呼兕縱之去目極江天渺  
蠢爾豈有知庶亦汝再造敢附長者言欲  
致幽人考逝矣慎所之天地多矰繳

元日夕坐叙懷

茲晨復茲夕茲日倏以過茲日胡足惜去  
日苦已多兩儀孰橐籥二曜相盪摩嚴凝  
逝和煦逝節驚頽波市兕競戲歲相逢盡  
顏酡鼓鍾旣雷殷燃燈復星羅鄰家更喧  
聒達曙聞酣歌蹇予獨何爲端居養微疴



呼僮戒賓客兀坐時欵斜閑門固岑寂愁  
城亦蹉峩憶昔弱冠年上書住京華光輝  
近日月意氣凌雲霞出入承明廬冠蓋何  
逶迤良時美游讌歡顏無容嗟茲辰覲  
王宸拜舞揚鳴珂委身奉明主矢志敢  
有他盜強項靡屈汲戇言無阿傾車惜後  
監衝尹忘前呵登臺咲郭隗渡水悲荆軻  
一弭西江節再返東吳舸孤懷竟莫達壯  
圖遂蹉跎三十賦歸來稅駕棲巖阿牟心

枉寸赤潘鬢空雙瞠世情習冷煖儉壬輕  
嘲訶干戈起社席遠路多陂陁以茲罕交  
游瀟然自吟哦山冠始製籜野服初裁荷  
喜無車馬喧得免禮法苛朝游倒海嶽夕  
泛乘星河堯叟歌在衢邵老居成窩風琴  
響庭竹雲幄披山蘿寧論節序新所翼景  
物和抒懷祗自語遲暮傷如何

清江集卷之二

涑江集卷之三

七言古詩

結交行寄熊子有序

予園居寡儔晤語靡諧因憶曩日  
 諸所往來海內忘形故人長沙惟  
 吾軫峯熊君往在京師交好實鮮  
 倫比後予二人以弗容先後去國  
 迨今各歸林下忽忽幾二十載自  
 頃枉過不相見又十年餘矣音塵

寥瀰心邇跡遐荏苒歲時矧已遲  
暮悵離愴徃頗動野懷暇日聊爲  
此行起嘆當時終之慕義懷賢冀  
申前好知我罪我其將無取焉

君不見古人結交在交心斷金裂石終難  
侵今人結交在交面翻雲覆雨頃臾變平  
時結交貧賤移湯逐春花與秋燕所以朱  
益州著書絕交游英雄憤世每如此肯與  
薄俗俱沉浮又有廷尉程題門謝賓客倏

忽聚散蚊蚋然當時見之無失色熊夫子  
非凡流平生結誼傾九州意氣不比扶風  
儔滿眼何曾有知己舉足未肯干王侯憶  
昔與君相見日走馬長安宴初畢際會真  
慚葭倚玉契合還看膠在漆那知世事與  
時異俄頃風波頓相失予當秉鐸踉蹌行  
子亦分符倘悅出只今與子俱歸來蛟龍  
失勢庸人猜予也其從草澤卧君胡枉置  
明堂材歸來同鄉復異縣一別十年缺相

見釣竿長共楚江魚音書尚阻衡陽鴈却  
憶當年相見時恐使顏光速流電熊夫子  
勿復疑中心結交終不移與君共保冰霜  
期紛紛薄俗良足悲

送孟兵憲北上

繡衣何來映江渚繞岸旌麾簇飛羽翠蓋  
朝停衡岳雲錦帆夜拂瀟湘雨三年持節  
靜風塵此日鳴鑾覲玉京君到若蒙宣室  
問爲言江漢苦民貧

壽潘封君味菜翁七十

婺源山高千尺餘層崖疊巘爭盤紆山氣  
氤氳雲五色就中應有仙人居神仙中人  
風骨殊霜姿雪貌童頭顱夜藝松枝煮白  
石朝携藜杖鋤青蔬今年七十顏不渝繡  
袍烏帽明巾車庭前手植兩玉樹白日爛  
熳芳芬敷伯也爲邦阻湘土拜舞不得偕  
觴壺瞻雲已切梁公望獻壽更繪蟠桃園  
玉盤之玳金樽酒祿俸可以爲親娛萬里

遙飛青鳥使 九重曾拜紫泥書  
伊昨勝遊來過此停驂一見心神舒  
潭州化理豈無以于門德業還應於吾儕  
何以報公惠但願壽與南山俱

丹泉歌贈楊兵憲

志載泉出天柱山聲殷殷若雷日色

暉映崖壁皆若綺繡

錢塘湖接滄溟東蓬壺瀛海銀河通天柱  
峯頭鳴霹靂中有赤氣隨飛虹  
鮫人揮珠灑銀漢河伯獻寶朝元宮  
晴暉掩映幻野

色雲錦錯落翻長空恍然如行武陵路  
春水蕩漾桃花紅又如秦兵下江漢  
楊旌樹羽回蒼穹倏忽變態那可測  
意象點染難為工  
千年河洛元氣鍾生尼降嶽將無同  
誰其作者關西宗探源觀化窺鴻濛  
胸藏萬卷羅斗宿筆倒三峽騰蛟龍  
已有聲名重琬琰還看廊廟登金鑪  
竭來建節來吾楚  
手捧綸音坐開府文采驚傳出鳳凰  
澄清更道殲豺虎消渴寧論病客心  
沾枯且

慰疲氓苦衡岳巖業湘流長召伯勲庸擅  
 茲土只今四海多橫流狂瀾濁浪行人愁  
 道傍嗚死莫肯卹水底沉溺誰能謀謝公  
 久繫東山望范老尚抱江湖憂願揮芳澤  
 彌宇宙沾渥盡被炎崖幽

乾封草堂為楊封君賦

乾封嚴陵山也楊嚴人寓

居于

嚴陵之山清且幽秀色夏絕東南陬迤邐  
 乾坤青不收蒼然陸海騰龍虬峯頭草樹

雲物稠采錯滉漾桐江流桐江一絲繫炎  
 劉嚴陵之風高千秋楊公本亦隱者儔半  
 生冠鶡衣羊裘早年挾策行遠遊落落身  
 世誰為謀蓬踪萍跡從滯留俯視六合俱  
 浮漚草堂對築湖水頭沙鷗渚鴈還相求  
 開窓列岫凝遠眸白日倒影長悠悠日暮  
 倚杖更夷猶眼底鬱鬱松與楸錢塘潮平  
 一葦浮不用懷土傷登樓釣臺遙望倚江  
 洲願言仰止懷前脩晝堂課誦燈夜篝詎

逐絃管空凋啾堂前玉樹枝相樛鳳雛龍  
種生公侯丈夫事業橫九州徐卿今子揚  
光休聖朝孝理褒寵優鸞書錦軸焜林  
丘百年志願今始酬添園幸免江湖憂于  
門襟沓來鳴騶稱觴獻頌鏗琳球湖南野  
老耳鋤耰登堂擊節知何由

偶閱麓堂稿次韻追贈

有叙

予旣罹罰典籍燬盡詩興亦復落  
莫偶獲麓堂續稿閱之見其爲壽

東山邃菴兩翁耆英圖歌凡一韻  
四篇因憶公相國時文章事業後  
人亦鮮比及雖中值瑾變公居調  
護人多賴之而世情好毀猶喁喁  
訾議弗已予竊傷焉爰次其韻追  
贈此篇公如有知或亦契予冥懷  
云

君不見謫仙逸思絕代無一揮幾賦耆英  
圖明堂縣緼振韶護世上紛紛兒子俱爲

徒聲名已與聖世遇襟抱自比凡情踈豪  
吟短咏意不極直遡晉魏過黃初是時  
朝廷重文不重武九衢道路無豺虎萬姓  
熙皞足儲峙百蠻貢獻來天府天子垂  
衣事恭默白日青雲映簪組公時正作調  
羹人鳳池容裔昭人文入贊皇猷翊元化  
出領百辟清風塵內方脩文外偃武坐令  
天下俱平均晉錫駢蕃晝三接魚水眷遇  
殊無倫先朝盛時我親覩四海共慶昇

平辰那知世變須臾事一朝禍起衣冠士  
國家立法在紀綱誰遣鈞樞付闍寺哲人  
危孫本經權塵世功名豈公意希文有道  
合憂時沮溺何心乃忘世李愿欲賦歸盤  
詩顧命在耳將何之却從班行數行輩已  
覺落落晨星稀人情好惡雌黃口巧匠終  
應歸袖手廟堂已重去著蔡海宇徒勞望  
山斗意殊疏傳祗揮金跡比商山空皓首  
生依堯舜君老作羲皇叟夢醒猶聞紫



禁鍾慶成尚賜黃封酒

公謝事居都城慶成宴猶頒賜酒

當時元老東山翁碩望更有弘農公一時

耆俊盡楚出至今鄉里聞高風早向郊原

識麟鳳便從霄漢接鵷鴻由來意氣相看

每相許試論出處將無同少年結綬偕登

庸晚節共保歸明農惟公文章老益健此

與詎落塵埃中後來作者嘒嘒各門戶以

公頗視真鳴蛩嗟予栖息依蒿蓬十年陳

迹空西東平生瓣香無由以一致安得九

原復起終身杖屨吾誰從

感述用韻一首 有叙

嘉靖庚戌秋九月北虜入寇犯闕

下京師洶洶城門閉城外居民暨

經過諸邑堡屠戮殆盡 皇上震

怒斬兵部尚書丁汝夔巡撫順天

都御史楊守謙逮諸廷臣謫罰有

差虜既退旋興師往追之予聞之

驚怛因用前韻感述一首聖代威

靈邊陲無時寧耶

北來聲息無時無急難誰為公家圖郊壘  
 由來國之耻茲咎只合歸吾徒乾坤腥臊  
 未遽滅廟堂謀議容全踈疆場漫誇戰勝  
 地兵力尚想興王初興王之初方重武猛  
 將驍兵氣如虎掃除妖氛奠華夏坐收圖  
 籍歸天府功臣頭上珥貂蟬屠沽腰間耀  
 章組只今誰作勤王人談兵說劍成虛文  
 黃雲逶迤暗沙磧白日慘淡飛胡塵中原

翰邊日未已引領四海何由均况聞諸夷  
 盛連結百萬馳突紛無倫腐儒憂殷錯料  
 事時向北極看星辰傷哉莫問先朝事

誰戒前車閑訓士戰骨遙橫塞北山瘡傷

更滿城西寺虜初至城外居民奔入城殘

所司於城西舊興隆寺葺蕭舍今安揮焉赫怒應知聖主威

蒼茫詎測皇天意國步重逢厄閏年人心

但望承平世退虜曾聞可賦詩帝遣詞臣

往諭之犬羊豈知道化術舞階之格今應

稀虜初薄城 命儒臣往論弗退 去年虜至居庸口破

壘摧城若翻手關塞徒懸赤羽旗將軍枉

佩黃金斗今年彌兵遂深入震撼宮庭重

回首因思濟世才欲訪耕崖叟虜既去廷臣建言須

求才望堪經畧者擢用 丘園幾處迎蒲輪起諸廢棄者于家

邊鄙何人犒牛酒何當更有矍鑠翁閫幄

籌畫惟諸公頗聞師行甚整銳慷慨孰有

前賢風控弦盡騎沙苑馬鳴鏑欲墮天山

鴻周王中興僅乃是漢帝黷武何能同犁

庭掃穴將無庸願銷兵甲歸春農燕然銅

柱亦易事民命委棄溝渠中武功作歌者

誰子敢以薄劣隨雕蟲嗟吁乎吾生有志

慚孤蓬廿年歸卧湘山東牀頭龍泉胡庸

以更試但願海平河晏嬉遊鼓腹康衢野

老恒相從

東堂晝寂偶閱次涯翁詩適陳北山

遣送孤松圖至因用韻輒題其上

空堂日晏一事無誰為走送孤松圖圖開

蒲堂玄籟發茲意領畧須吾徒虬枝盤拏  
繞蒼翠石幹摧錯開扶踈形神如過栗里  
境意氣已到羲皇初嗟予平生希賢思步  
武刻畫心勞同畫虎早年誤入名利塲一  
官枉道神仙府敢向朱門嗅梁肉却愧泥  
塗泥簪組歸來欲作柴桑人辦香遙致看  
遺文期將韶音破瓦缶未分濁水隨清塵  
庭栽青松亦可撫一笑意與茲圖均籬邊  
黃花益爛熳更覺園綺紛無倫日對此圖

還此景愚也尤幸生逢辰時向交游談往

事攬轡他年勤校士曾從宅里訪遺蹤仙

源正遶廬山寺封植空存吊古心徘徊不

盡尋幽意

陶墓在星子縣嘗今有司憑將

甲子紀流年賸有丹心詔來世自從已賦

歸田詩夢裏猶疑一見之一見此圖三嘆

息眼底但恨知音稀世事祇宜心語口好

事流傳憑畫手由來脫屣輕千金肯使折

腰千五斗摩娑圖畫想當時悵望雲天搔

白日生爲義熙人老作無懷叟百年佳興  
幾篇詩千古閑情一杯酒如何作者徒稱  
避俗翁譏評豈必皆爲公已餘芳聲表素  
節更遣繪事傳高風叔運那容歌鳳鳥塵  
網未可求冥鴻人心趣向醜好何能同應  
知富貴等夢幻別有紀勒垂勲庸昨朝佩  
印綬詰旦還耕農古來賢達每如此乍可  
彷彿丹青中試披茲圖豁蒙翳回視流俗  
之輩瑣瑣真沙蟲吾生敢謂麻生蓬向來  
飄泊慚西東前賢風節胡可以跂及但得  
嶺雲江月友車朋馬長與此圖此景觴味  
相追從

贈別客石蕭先生之綏德

予生落魄棲遲久世態浮雲一揮手閉門  
未許俗子過倒屣那逢知己友結居却喜  
傍學宮耳邊絃誦來春風廣文先生獲過  
從晤語頗覺襟期同廣文先生者誰子文  
采翩翩亦佳士三釜曾爲祿養謀一羶不

羨豪華侈竭來橫席經幾春日擁青衿意  
 自親陰陰桃李青雲裏采采蘭蓀淥水濱  
 星軺今向關中去得意無言終不遇南國  
 諸生怨解携北鄙人材待陶鑄君行消息  
 幾時聞後古文章可策勲懸知別後懷人  
 處渭水湘山日暮雲

雪夜飲邑署歸幾曙不寐偶閱翠屏  
 集遊仙子詩因次其韻用解醒云  
 畫屏絳蠟搖輕風梨園樂事驚衰翁主人

愛客客欲醉滿座意氣看成虹持杯莫問  
 青天月鼓擢真乘剡溪雪凌兢不惜幽崖  
 寒燔炙翻愁炎海熱竭來歸臥湘山春眼  
 中變態浮雲新排空不垂蔽日翼跋浪可  
 縱橫江鱗靜對爐薰生杳靄萬事且付形  
 骸外酒酣興劇不成眠坐待紅輪昇碧海

用前韻寄沛縣第有引

吾第行後遂未有詩有詩誰與語  
 也偶緣出飲僅得詩一章家僮歸

得吾第書暨諸篇味悵然感之迺  
用前韻寄懷此篇前篇併往或可  
轉致西野宮相庶一知老夫山中  
惡抱耳

江天萬里來剛風昏夜剝啄驚山翁呼兕  
開緘見汝面四壁照耀垂長虹吾第別去  
經幾月敝裘何處衝冰雪毛寒骨折立欲  
僵念我同胞肝肺熱玄都再見桃花春道  
傍相揖交情新  
聖朝豈無得意輩一

爲涸轍甦枯鱗蓬門蒼蒼屯宿靄憂魂多  
落溪山外詩成擲筆欲語誰爲爾一歌翻  
小海

泛江再用前韻

清江蘭芷吹香風中流容與借漁翁波光  
縈迴蕩明鏡林影掩映飛晴虹江南繁華  
競三月未分袁安困積雪酒船茶竈聊復  
行擊筑高歌忘耳熱憶昔醉臥長安春夢  
中陳迹猶如新誰遣歸來抱幽獨朋舊謝

絕踈鴻鱗日暮迴  
燒散煙靄空餘意  
氣輕鷗外身世慚  
非漢使賢欲泛星  
槎上瀛海  
飲學五姪宅歸偶  
閱蘇集送酒詩因

次其韻

山中黃冠天敕放  
偃仰敢言丘壑相  
光生鄴架咲藏書  
春滿兵厨欣宿釀  
達人處世忌大異  
志士求名長近謗  
玄亭誰擬子雲  
居講肄將非馬融  
帳今晨偶就竹林  
飲歸覺微醺頗和  
盜衰顏強逐少年  
行艷舞歡

歌總一餉

野人習性便踈放  
暮齒清平荷天相  
詩篇每就遣兒書  
農事粗成催婦釀  
骯髒寧爲時俗忌  
散漫安用群兒謗  
窮經何意富金  
籬戒律空教嚴  
玉帳應知身世等  
夢幻忒使脂膏供  
釜盎酒醒歌罷意  
茫然肉食何如採  
薇餉

元夕值雨賓館閒  
然舊張諸燈亦復  
罷舉孤獨兀坐興  
况可知沛縣第



和予詩予復次荅抒老懷焉

突兀有懷吾欲放  
今雨交情苦無相  
縷綵誰張五夜燈  
椒桂空成千日釀  
董帷不下詎明經  
揚閣未投先被謗  
誰將簫鼓競華筵  
更有煙花輝繡帳  
老夫何爲自幽獨  
短榻長檠并甕盎  
夜來剝啄遍詩筒  
樂事歡同藜藿餉

淶江集卷之三

淶江集卷之四

五言律詩

送劉希哲赴郛縣司訓

戎馬仍吾道衣冠覺汝賢  
琴書開絳帳桃李映青氈  
化豈文翁後詩從杜老傳  
郛筒耐取醉相憶雪峯前

憂

消息京華遠空聞更九州  
六龍瞻御氣八駿想宸遊  
主將驕仍貴王師老可收  
向來

大馬念翻作廟堂憂

立春日雪

霜雪迎春立陰陽逼歲除峭寒花自發新  
霽柳初舒世事風塵裏鄉心夢寐餘煙霄  
歸鴈迥吟望獨踟躕

雪夜作忠甫兄枉過便邀詹熊二兄

同到

春雲陰不分凍雪夜多聞皓色侵燈暈寒  
威散酒醺殊方同作客他日嘆離群爲報

郎曹彦山陰正憶君

南歸阻風次韻

陰霾鬱不開歸思渺難裁天意何南北人  
心異去來白雲橫楚嶠紅日下燕臺今夜  
還家夢何由戲老萊

散目登沙岸羈懷強自裁力稀行且却興  
遠去還來歸思揚雄閣塵心郭隗臺如聞  
征歛急哀然起蒿萊

短棹愁仍繫新詩悶強裁江豚吹浪去塞

五泉書院  
雁避霜來日月閑僧舍乾坤倚釣臺客身  
何處著飛夢繞蓬萊

江行

躡屩遵沙渚維舟傍石潭步危侵徑蘚衣  
潤拂山嵐眺望情何極馳驅力未堪白鷗  
還泛泛見爾不無慚

孤鴈

野曠三秋暮天長一鴈過幾群沙塞道孤  
影洞庭波不道無霜雪還看有網羅客懷

愁見汝零落意如何

王昭君

平生絕望幸醜好付丹青一上玉關道長  
懷漢殿陰君王其息戰何惜妾伶俜萬古  
琵琶曲空傳哀怨音

獄中聞謫官報

微軀甘斧鑕飛夢繞江關烏鵲占仍喜金  
鷄詔忽頒 聖恩終浩蕩臣罪本丘山未  
遂投簪紱臨岐淚欲潏

旅夜  
客路逢搖落空齋坐寂寥風塵雙鬢短湖  
海一身遙明月將愁上浮雲與思飄一聲  
何處鴈容易旅魂消

歸隱二首

十載風塵夢三朝雨露恩不才辭魏闕多  
病憶文園農圃生涯具詩書世澤存清時  
容我老不爲覓桃源

言隱何曾隱能歸始是歸還家無厚業涉  
世有危機萊綵身猶壯陶樽與不遠滄江  
今夜夢應已伴鳧鷖

日夕

日夕下庭陰瀟瀟病客心寒花當戶盡秋  
草閉門深掛壁餘孤劍橫牀獨短琴鍾期  
今異代愁絕爲知音

晚坐

鳥下荒庭靜蟲飛小院幽詩篇閑自校藥  
裹病常留散地便高卧危途感舊遊先幾

五泉書院  
慚我晚一咲已忘憂

聞林次厓大理謫欽州悵然有懷寄

贈三首

故人今遠謫令我益凄然棄置應吾道艱  
難憶往年梅花庾嶺雪楊柳楚江煙  
尺馬潮陽路孤城何處邊

芳聲騰海徼清望溢晉都泗水官非左潮  
陽道不孤賈憂終涕淚汲戇且江湖翹首  
浮雲際幽懷激野夫

林嘗以言事謫判泗州

振鐸猶他日分符忽此鄉桑麻新雨露桃  
李舊門墻報主心常赤憂時鬢已蒼賜環  
知不遠莫謂老馮唐

林嘗以僉憲督學東廣

鵲噪

身世從違裏功名夢覺餘病侵憎藥餌地  
僻懶冠裙鵲噪緣何事鷗眠只自如問竒  
多載酒或擬訪吾廬

成隱園五首

選勝真成隱尋芳得數來逕隨芳草遠林

傍野花開負郭還  
杭稻幽居只草萊  
萍蓬吾已定鷗鷺未須猜

疋馬荒郊路孤村  
野老家到門千嶂  
合當徑一溪斜剩地  
饒栽竹踈畦可種瓜  
山中未岑寂卽此是生涯

秉耒還山曲垂竿卽水濱  
田園今日計軒冕向時身  
避弋過飛鳥跳波縱躍鱗  
村翁頻過從林訝早沉淪

路轉通沙徑溪迴渡石橋  
山川歸故國雲日媚層霄  
市隔風煙異林深雨露饒  
青袍幸無恙游賞爲誰招

日映林塘靜風生草樹香  
隴雲翻秀麥江縷接垂楊  
得食鷓鴣喜尋芳蛺蝶忙  
山中風物好聊與伴壺觴

晚歸

樹抄昏鴉集花邊侯騎驕  
江喧初艤棹村黑競歸樵  
未覺浮生是難教俗累消  
迎門歡稚子一爲醉香醪

曉發往訪羅氏

晨光散林鳥客子野船開  
山色迎人近江聲逐岸迴  
蹉跎心事改荏苒歲時催  
十載江湖夢誰期訪戴來

抵羅氏有贈

路繞湘山曲江環楚水  
春魚蝦生計足鷺鷥野情真  
愛客壺觴易營居闕閱新田園  
多樂事嗟爾大平人

留別羅子

細雨霑華屋寒江擁去舟  
棋枰延客住詩草爲君留未盡  
山陰興空懷杜曲愁明朝  
湘水土煙棹兩悠悠

歸過青山口

碧水湘中路青山谷口村  
野雲寒自白江日晚多昏  
動息都應是行藏敢更論  
閑來游宴意一任老乾坤

柴扉閑幽寂野徑得瀟疎  
谷靜聞幽鳥池

柴扉閑幽寂野徑得瀟疎  
谷靜聞幽鳥池

清數躍魚物情閑可見夫意定何如交態  
從涼暖吾門不用書

霽景千峯峻霜林萬木踈天長無過鴈江  
晚有潛魚得失真誰料幽偏且自如閑來  
觀物理賴有古人書

往山庄

竹籬當徑密茅屋倚山斜綠覆墻頭草紅  
垂澗底花閑情來杖屨生計說桑麻不見  
東陵子歸來亦種瓜

秋日有懷

鴻鴈下高秋柴門落葉幽四山晴點點一  
水晚悠悠抱病還宜臥懷人但益愁沈郎  
詩思苦歌罷若爲酬

元日

今年今日是四十四迴春栢葉杯從把椒  
花頌湯新身名嗟已晚兒女解相親尚憶  
朝元日鳴珂亦近臣

聞廿八第中式喜而有作



鬱鬱燕山桂瀟條二十春撐持有今第嶮

起在茲辰孤鷲雲霄上神駒渥水濱 聖

朝求俊意千載重科名 余家有桂林坊自六兄登薦後十九

年于茲矣

帝氏經堪授于門澤义延冠裳吾共勉衣

鉢爾真傳禮樂逢今代文章啓後賢因思

走馬地慚負已經年 先人鄉試中十一名今第同名且刻文焉

龍江携飲小舟有詩次韻荅謝

野岸舟牢繫春江水亂流羈心憶飄泊塵

世慨浮遊未許身為竄魯看氣食牛故鄉

樽酒在乘興得淹留

綠樽餘晚興盡舸漾中流禽鳥騰歡集魚

龍聽曲遊福寧緣塞馬害且遠犧牛盡日

輕鷗伴忘機得共留

登舟邀龍江用前韻

聽鶯歌伐木別友念臨流霄漢無知已江

湖有勝遊一洲看躍馬三峽憶沉牛莫作

袁安臥周南幾滯留

日光開野色雲影澹江流笳鼓空中聽魚  
龍鏡裏遊幽人乘彩鷁老子度青牛意氣  
如相許佳期莫滯留

席間值雨疊前韻

風煙含暝色江漲急奔流欲作磻溪釣因  
成剡水遊文章慚刻鵠勲業笑肥牛賴有  
同心侶清談竟日留

再疊韻奉贈

逸興耽幽臥歸帆掛急流十年巫峽夢萬

里玉關遊 詔錫盤龍鳳槎乘上斗牛垂

綸江上客何意共淹留

龍江初今德陽以考最獲錫命後以

大名倅蒞事大同

龍江携酒小舟有作次韻十首

故人思惠好高詠散陽春解舞花應笑深  
愁鳥欲呻開樽浮綠蟻解纜拂青蘋瑩澈  
湘江水偏能滌世塵

雲山歸錦里風日淨江天謝屐情偏劇膺  
舟興更牽邀歡宜落日為別憶經年莫着

山翁醉微酣意自仙

棲遲梁苑客浩蕩楚江春  
柳暗鶯從入花飛鳥爲呻  
動名催白髮時序轉青蘋  
更涉招提境應知不染塵

路入桃源境風輕梅雨天  
玉壺時自送錦纜晚猶牽  
花鳥深愁思漁樵老歲年  
賞心吾共汝何處有神仙

豈是乘槎客悠悠淥水春  
途窮那免哭吟苦自成呻  
艤棹登汀樹傾杯籍渚蘋  
十年

京國夢一爲振衣塵

迴舟非雪夜載酒卽花天  
泉石新盟訂風塵舊恨牽  
浮雲悲薄俗逝水惜流年  
曠蕩乾坤意憑君問謫仙

浮生三島外歸計五湖春  
世事惟堪醉幽懷底自呻  
驚鳥飛岸柳潛鯉躍江蘋  
聽子滄浪曲清予萬斛塵

銀燭搖清瀨蘭橈泛碧天  
風煙塵世隔歌吹野情牽  
放浪寧爲癖幽虛豈駐年  
試看

圖畫裏終日會群仙小舟有群仙圖

牢落江湖興沉酣麴蘖春山鍾昏更急江

笛晚多呻賤子思投李佳人味采蘋向來

離別恨及此慰音塵

展席淹清晝迴檣倚暮天坐深交契密望

遠世情牽潦倒還今日風流異昔年憑將

浮海意飄泊問群仙

舟中見兩岸桃花喜賦三首

綠野三春景緋桃兩岸花風容矜冶艷顏

色賸鉛華落澗飄紅雨沉江弄彩霞武陵

今此是何必問漁家

為愛桃源景頻來栗里翁芳菲香消徑爛

熳錦成叢江影流丹液林暉炫碧空衰容

愁對汝愛助酒顏紅

三月桃花水舟行菴盡中錦翻天上下彩

錯岸西東煖日烘清晝晴雲護晚空向來

行樂意莫遣怨丹楓

中秋小集二首

故園今夜月二十四迴看影挹金樽消光  
 侵玉簫寒陰晴勞屢卜顯晦自能安慰藉  
 憑知己相拔一咲歡  
 瑩徹中天月那堪此夜看清光隨處著灑  
 氣沁人寒奕罷心無競吟成字未安端居  
 嘅時序颯沓且為歡

九日

蒼涼重九日牢落野人家病裏杯空醜吟  
 邊菊未花虧盈應物理流轉自年華可咲

東籬叟無錢酒每賒

哭鍾兕五首

杳眇天難問蒼茫數復竒孰教英物棄還  
 與暮年期痛極翻成恨憂來不自持我生  
 何繫爾今爾繫吾思

予不德幸有兩豚兕  
可矣迺復以汝增吾  
共憂何

嗟爾生差晚令予念轉深熊羆空有兆蘭  
 玉竟何心卧闥形如在循堦跡可尋踟躕  
 忽不見惟有淚盈襟

憶昔吾多難兒生一歲強爾生吾幸免吾

在爾今亡禍福還相倚乘除未可量此生

真負汝沉痛割中腸丁未寇來之明日為

而脫予既罹酷罰又以兒故獲免竊意數

當育矣迺竟莫保天乎奈何

原春之向來心寸折今夕淚千行幻化虛人

世沉冥祗禍殃誰將茶苦意一為訴穹蒼

自汝來懷抱顏開已六春歡欣長伴客婉

變解依人寂寞燈前語淒涼夢裏身從今

何意緒天地一荆榛

過西園三首

不涉西園路蹉跎易隔年院花閑映日庭

草靜含煙屐躡笙歌繞帷垂粉黛聯風流

懷二子空作畫圖傳園壁有東山絳帳二

地僻經過少春生意氣多漫從花索咲還

共鳥成歌拂座憐蛛網扃門謝雀羅平生

丘壑興筋力定如何

幽興成何極芳心每自憐偶來游衍地猶

及艷陽天鎖戶春從入開軒景更延殷勤  
花鳥意那得少詩篇

東堂成移植西園諸花卉二首

輪奐瞻新構園林覓舊遊徑緣身世辟花  
爲野情畱移植乘春吟看城暮愁百年  
吾道在行處卽滄洲

種樹書能習看花興益濃綠移當檻竹青  
徙傍簷松坐對非新主行吟卽舊踪人生  
渾大夢載酒錯西東

兼清花下獨吟二首

西墅還東墅今吾亦故吾老知花是伴愁  
與酒爲徒闕寂人稀至徘徊興不孤撚髯  
時一笑真不媿潛夫

豈少裘羊葦柴扉只自關林中無白日座  
上有青山物色啼鶯換芳菲戲蝶還野情  
欣自得詩句未應慳

不寐二首

不寐緣何事篝燈盡夜青擁衾虛就榻

履欲過庭舊恨成追憶孤懷愧獨醒乾坤  
有旦暮未可厭沉冥

薄俗眠難穩中宵寐未成寒帷猶月色歎  
枕更風聲盜賊征求急衣冠變態輕向來  
夷險地悽惻重含情

中秋無月待久忽朗獨對二首

皓月來何晚中宵好自看影疑妨顧兔光  
憶待驂鸞獨坐愁仍破誰家宴未闌物情  
兼節序塵世幾悲歡

玉宇秋應淨冰輪夜益清關山看廣邈樓  
閣見分明移席光輝倚當盃歛灑傾賞心  
惟自適况迺歲華新

寄韓夏圃中丞五首

有引

夏圃韓公甫拜撫臺亟求遐舉高  
風達識範我楚邦未究之施發諸  
賢嗣僕遙欽盛美兼感平生不任  
歡悰輒成篇誄倘泥金報至珠履  
遙開酒闌歌闕容取爲捧腹之資



乎

問訊昌黎老言歸漢水陽山香重作社野  
綠更為堂藥採松枝秀花攀桂樹芳風塵  
回首處高詠有滄浪

寵渥新臺府聲華舊掖扉人皆瞻鳳彩公

已息鷗機繡斧臨樵逕雲帆擁釣磯強吟

招隱賦林壑藉光輝公嘗為給事黃門

身世依黃鶴心情對白鷗竹間雙屐出花

下一尊留鍊玉仙人侶揮金達士流東山

仍繫望未許覓丹丘公童顏鶴髮人咸謂得服食法云

于門高德業楚國盛流傳濟世而翁貴承

家令子賢莊椿經歲老寶桂及秋妍早晚

泥金報恩波泛酒泉

一丘予穩臥雙節爾曾過今雨交情見層

雲誼氣多離魂江夏樹別淚洞庭波脉脉

懷人意臨風發嘯歌

平生經始小園感述二首

杜陵何事者憑乞草堂貧病當年老風

流後代歸烟霞成小築  
日月謝明時憂樂  
平生志悠然一詠詩

三十乘駃使歸來日  
倍過先幾慚晚矣積  
痾柰愁何舊徑園松菊  
新亭葺薜蘿向來  
行樂意莫遣更嗟跼

泛江二首

春風吹錦櫂逸興渺江湖  
意愜過飛鳥機  
忘下浴鳧休從漁父問  
且覓酒家沽身世  
浮漚裏青山識故吾

沉沉桃花水青青杜若洲  
風香迎解纜霞  
綺湛維舟樂意空中得  
玄機物外求醉歌  
休擊楫眠穩有沙鷗

東園宴坐五首

抱痾為園臥澄心只晏如  
雲山遙入座水  
竹自成居潦倒惟杯酒  
衰殘有道書風塵  
門外客休擬問吾廬

曲徑沙能穩層臺石更高  
院花紅映席庭  
草綠侵袍地覺追隨少  
身嫌應接勞從來

仲蔚宅蕪翳長蓬蒿

結居臨積水幽獨少埃氛窓影扶桑日簷

棲楚岫雲會心惟自適養拙詎為尊漸喜

塵營寡山城早閉門予西宅有會心堂今東徙迺名為東會堂

云

十年干祿仕卅歲罷歸田日月供高枕風

雲付短篇院松寒自秀籬菊晚逾妍豈是

陶翁宅持杯愧昔賢

石路紅塵隔柴門碧樹交野陰開翠壁春

色帶青郊詩句尋常得棋枰旦暮敲草玄

惡用爾徒使世人嘲

賞月家宴予以故不赴中夜偶作用

東諸仲

皓月流清影長空絕點氛露華秋已半河

漢夜初分縹渺梨園樂淒清桂苑芬賞心

應共汝悵望惜離群

三十第誕日述懷有作依韻贈慰

綺席逢初度青衫只舊遊淵珠寧自媚璞

王定應求但看雲霄邇那驚歲月流上書  
知不負曾抱賈生憂

雙劍蛟龍氣千金騷裘身門稱諸謝並名  
許二難均壯志行應達幽懷底自真向來  
期待意何止爲宗姻

西園漫興

卜築幽居辟貪竒別墅開高情元水石小  
構亦亭臺竹擬和雲種花期帶雨栽老懷  
欣在此不厭日頻來

鄰塢千金卜芳園一徑分池開憑貯月亭  
啓故留雲靜可諧歌嘯清能屏俗氛市廛  
纔咫尺世事幾曾聞

投老身何繫居閒興益長門非車馬逕地  
卽水雲鄉把酒鶯歌集敲棋鶴夢妨閉門  
春色裏一任野夫狂

封邑湘山橘爲園漢代瓜雲山供偃仰塵  
市謝紛拏飛躍觀吾道卅青玩物華勝遊  
俱在眼何必羨乘槎



